



Aningaasanut Nunanullu Allanut Naalakkersuisoq

Aningaasaqarnermut Ataatsimiititaliap suliaq nr. 01.31.06/07-00298 pillugu ulloq 6. december 2007-imi aalajangiinera pillugu Naalakkersuisunut ilisimatitsineq.

(Naalakkersuisut ulloq 22. november 2007-imi aalajangiineranni imm. 2c)

Suliassanut qulingiluanut aningaasaliissutiniq ikilisitsinissaq, kiisalu suliassap uuma pilersinneqarnissaa: Kangerlussuarmi terminalip illutaata allineqarnera

Naalakkersuisut **inassutigaat,**

- kontomi pingaarnermi 87.72.10-mi, Nuummi sulisunut inissianut tunngasumi, suliassamut nr. 060.30.003-mut Nuummi Sanavejimi sulisunut inissianut tunngasumut, aningaasaliissutit **1.895.000** koruuninik ikilineqassasut.
- kontomi pingaarnermi 87.72.15-imi, Piginneqatigiilluni inissialiortiternermut tunngasumi, suliassamut nr. 999.34.017-imut, Pilersaarutitoqqat inaarsarnerinut tunngasumut, aningaasaliissutit **1.850.000** koruuninik ikilineqassasut.
- kontomi pingaarnermi 87.73.21-imi, Mittarfeqarfinni qulimiguulinnut mittarfinnut tunngasumi, suliassamut nr. 166.25.054-imut, Nuussuarmi qulimiguulinnut mittarfimmut tunngasumut, aningaasaliissutit **294.000** koruuninik ikilineqassasut.
- kontomi pingaarnermi 87.73.22-imi, Mittarfeqarfinni mittarfinnut tunngasumi, aningaasaliissutit **6.958.000** koruuninik amerlineqassasut, taakkulu ima agguataarneqassasut; suliaq nr. 020.10.930-imut. Qaortumi nungullarnaveersaasersuineranut tunngasumut, aningaasaliissutit 292.000 koruuninik ikilineqassasut, suliaq nr. 200.25.022-imut, Isumannaallisaanermi ungalunut tunngasumut, aningaasaliissutit 1.256.000 koruuninik ikilineqassasut aamma suliaq nr. 082.25.182-imut, Kangerlussuarmi terminalip illutaanik allilerinermut tunngasumut, aningaasaliissutit 8.500.000 koruuninik amerlineqassasut.
- kontomi pingaarnermi 87.73.23-imi Mittarfeqarfinni sulisunut inissianut tunngasumi, suliassamut nr. 170.25.117-imut, Qaanaami sulisunut inissianut tunngasumut, aningaasaliissutit **314.000** koruuninik ikilineqassasut.
- kontomi pingaarnermi 89.72.11-imi, Nammineq inissianik tapiissutitalimmik sanaartornermut tunngasumi, aningaasaliissutit **2.346.000** koruuninik ikilisinneqassasut, taakkulu ima agguataarneqassasut; suliassaq nr. 060.37.031-imut, Inissiaq 1, F. Holm, Nuuk, 283.500 koruuninik, suliassaq nr. 080.37.032-imut, Inissiaq 1, S. Gordon Jensen, Sisimiut, 283.500 koruuninik aamma suliassaq nr. 996.37.100-imut 10/40/50 atorlugu inissialiortiterneq, 1.779.000 koruuninik.
- kontomi pingaarnermi 80.00.01-imi, Nuussinissanut sillimmatinut tunngasumi, aningaasaliissutit **253.000** koruuninik ikilineqassasut.

Aningaasaqarnermut Ataatsimiititaliap oqaaseqaatai

Kangerlussuarmi mittarfeqarfiup ilutaata allilerneqarnissaanut aningaasalersuinissaq siunteraralugu suliassatut pilersaarutinut arlalinnut naammassereerlutillu pisoqqanut

anigaasaliissutit ikilineqarnissaat Naalakkersuisut qinnutigaat. Suliassap nassatarisaanik mittarfiup illutaa atitunerulersinneqassaaq, taamaalillunilu nunap iluani nunanullu allanut timmisartuussinermi pissutsit pitsanngortinneqassapput, tamatumalu peqatigisaanik sillimanissamik nassatanillu isumaginninneq oqinnerulersussaavoq. Mittarfeqarfiit namminneerlutik aserfallatsaaliuinnermut ingerlaavartumut, kiisalu suliarnut tunngatillugu pisattanik nutaanik pisiniarnermut aningaasartuutissat ingerlatsineq aqutugalugu akilissavaat.

Aningaasalersuutissat ilassaattut inuinnaat inissialiornissaannut pilersaarutinit aningaasat qinnutigineqartut ataatsimiititaliap maluginiarpaq, matumani immikkut eqqarsaatigineqarluni Sisimiuni nr. 080.37.032. Sanaartugassatut pilersaarutinit maanna ingerlasunut pitsaanngitsumik kinguneqaqqunagit aningaasaliissutinik ikililerinerit taakku Naalakkersuisut allattoqarfiannit sukumiisumik misissorneqarsimanissaat ataatsimiititaliap tunngavissaatippaa.

Kangerlussuarmi atortulersuutit annertusaavineqarnerannik suliassaq 2008-mi aningaasanut inatsimmut ilanngunneqarsimasariaqaraluartoq ataatsimiititaliamit naggasiullugu oqaatigineqassaaq. Tamatuma saniatigut aningaasaliissutit qinnuteqaatigineqartut 2007-imi tamaasa atorineqarnissaat soorunami ajornassaaq, taamaattumillu taakku ilaat annertuut 2008 tikillugu Sanaartugassanut Iluarsagassanullu Aningaasaateqarfimmiittussaassallutik. Tamanna naapertuulluartut oqaatigineqarsinnaanngilaq.

Aningaasaqarnermut Ataatsimiititaliap aalajangiinera

Siuliani oqaaseqaatigineqartut innersuussutigalugit Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput**.

Inussiarnersumik inuulluaqqusillunga

Augusta Salling
Aningaasaqarnermut Ataatsimiititaliap siulittaasua